

**Lus Qhia Txog Kev Npaj Rau Tsev Kawm Qib Siab ntawm
Cov Niam Txiv thiab Cov Neeg Saib Xyuas**



**Koom Haum Kev Koom Tes Txog Ntawm Lub Zog Haujlwm hauv
California (California Career Resource Network (CalCRN))**

www.californiacareers.info

LUS QHIA TXOG KEV NPAJ RAU TSEV KAWM QIB SIAB

Cov lus qhia no yuav pab ua rau koj thiab koj tus tub ntxhais kawm nthuav dav qhov kev nkag siab txog ntawm kev tso npe nkag tsev kawm qib siab hauv California thiab txhawm rau pib nthuav dav qhov kev npaj rau kev ua kom tau daim ntawv kawm tiav tsev kawm qib siab. Cov xov xwm no tseem ceeb heev tsis hais koj tus tub ntxhais kawm tseem nyuam qhuav pib kawm tsev kawm theem siab los yog nkag rau xyoo kawg lawm.

Siv cov lus qhia no ua qhov chaw pib. Yog hais tias koj muaj lus nug lossis lus txhawj xeeb dab tsi, nrhiav kev pab los ntawm cov neeg pab tswv yim hauv tsev kawm, cov neeg coj qhia, thiab cov zog los ntawm koj tus tub ntxhais kawm lub tsev kawm, koj lub zos, thiab hauv internet.

Yam Taw Qhia

Mus ncaj nraim rau ib tshooj twg ntawm cov ntaub ntawv no, nias rau lub npe nqe lus txuas:

- [Kev npaj koj tus tub ntxhais kawm rau tsev kawm qib siab](#)
- [Kev xaiv lub tsev kawm qib siab uas yog](#)
- [Cov kev xaiv tsev kawm qib siab](#)
- [Cov hom kawm uas yuav tsum muaj kom thiaj tau nkag rau tsev kawm qib siab](#)
- [Cov kev xeem nkag rau tsev kawm qib siab](#)
- [Cov zog pab fab nyiaj txiag](#)
- [Kev tso npe nkag tsev kawm qib siab](#)
- [Kev nkag koom rau hauv cov kis las hauv tsev kawm qib siab](#)

Ib qhov kev kawm ntawm tsev kawm qib siab twg tsim nyob rau cov kev paub thiab kev txawj uas tau txais los ntawm cov xyoo ua ntej. Nws tsis yog ntxov dhau los mus pib npaj rau tsev kawm qib siab thaum nyob rau qib xya lossis qib yim. Koj tus tub ntxhais kawm yuav tsum pib los ntawm kev kawm cov hom kawm uas nyuaj hauv cov hom kawm fab kev kawm thiab kev cog ruaj rau kev kawm kom ntau npaum li ntau tau nyob rau cov hom kawm ntawd.

Thaum uas nkag rau tsev kawm theem siab, qhia kom koj tus tub ntxhais kawm:

- tshawb nrhiav nws cov kev txawj thiab kev txaus siab
- nkag koom rau hauv cov koom haum kev pab cuam thiab cov dej num hauv tsev kawm
- ua haujlwm raws kev txaus siab
- nrhiav kev xyaum haujlwm

Mus raws txoj kev, koj tus tub ntxhais kawm yuav tau ntsib thiab ntxig nug ntau hom neeg hauv ntau yam haujlwm sib txawv.

Xav paub xov xwm ntau ntxiv, mus saib [California Career Center](#). (Lub vev xaib ntawd yog sau ua lus Askiv)

YOG, KOJ TUS ME NYUAM TUAJ YEEM MUS TAU RAU TSEV KAWM QIB SIAB!

KEV NPAJ KOJ TUS TUB NTXHAIK KAWM RAU TSEV KAWM QIB SIAB

Kev npaj rau tsev kawm qib siab yog ib tug txheej txheem. Siv cov lus qhia no los mus pab koj tus tub ntxhais kawm kom nyob rau txoj hau kev:

Tsev kawm theem nrab:

- Kawm txog cov kev yuav tseev kom tau ntawm hom kawm A–G thiab kawm cov hom kawm uas nyuaj txhawm rau npaj rau txoj haujlwm hom kawm ntawm kev npaj rau qib siab thaum uas tseem kawm nyob rau tsev kawm theem siab.
- Xaiv cov chav kawm txog yam lus fab txuj ci, zauv, thiab lwm yam lus nyob hauv ntiav teb no txhawm kom tau txais qhov chaw ruaj uas zoo.
- Nthuav dav cov peev xwm los ntawm nkauj (yas suab), kis las, kev ua yeeb yam piv txwv, kev hais lus, lossis lwm cov dej num.
- Pib tshawb nrhiav tsev kawm theem siab, tsev kawm qib siab, thiab cov haujlwm nyob rau saum lub Chaw Fab Kev Ua Haujlwm hauv California (California Career Center) ntawm www.calcareercenter.org.

Qib 9 – Tub ntxhais kawm xyoo ib:

- Npaj cov hom kawm ntawm tsev kawm theem siab nrog tus neeg pab tswv yim ntawm tsev kawm.
- Xam tag nrho cov hom kawm A-G uas muaj ntawm txhua qib kawm.
- Tshawb nrhiav cov kev yuav tseev kom muaj ntawm kev nkag rau tsev kawm qib siab ntawm ntau ntau lub tsev kawm theem siab.
- Siv Thaj Tsam Kev Ua Haujlwm hauv California (California CareerZone) ntawm www.cacareerzone.org txhawm rau taw qhia cov hom phiaj kev ua haujlwm.
- Nkag koom rau hauv cov dej num hom kawm tshwj xeeb hauv tsev kawm lossis hauv zos.
- Pib tsim ib daig ntawv qhia keeb kwm ntawm tus kheej thiab tswj kom nws siv tau txog niaj hnuv no.

Qib 10 – Tub ntxhais kawm xyoo ob:

- Xeeb Preliminary Scholastic Aptitude Test (PSAT) nyob rau lub Kaum Hli Ntuj thaum uas lub tsev kawm muab pub; thov kev zam nqi pub yog hais tias tsim nyog. Siv caij so lub caij ntuj sov los mus kawm rau qhov kev xeeb ntawv ntawd.
- Pib xeeb Kev Tso Chaw Ua Ntej (Advanced Placement (AP)) thiab cov hom kawm uas zoo tshaj plaws.
- Ua kev ntxig nug haujlwm mus ntxiv thiab cov kev xaiv ntawm tsev kawm qib siab. Mus saib cov tsev kawm qib siab nyob rau hauv lub xyoo.
- Ua cov luag haujlwm fab kev ua tus coj hauv cov pawg hom kawm tshwj xeeb lossis zej zos.
- Teeb tsa ib tug e-mail txhawm rau siv tus txheej txheem kev tso npe nkag. Tsim ib lub npe siv uas ua rau raug siab.

Qib 11 – Tub ntxhais kawm xyoo peb:

- Xeeb ACT, Scholastic Aptitude Test (SAT) Reasoning, thiab cov kev xeeb ntawv Hom Kawm SAT (qee cov tsev kawm qib siab xav tau) nyob rau lub caij nplooj ntoos hlav ntawm xyoo peb.

- Ua kom cov kev xaiv ntawm tsev kawm qib siab tsawg dua tuaj. Xav txog cov phiaj xwm, tus nqi, qhov loj me thiab qhov chaw.
- Pib ua haujlwm rau cov tshooj ntawm kev tso npe nkag tsev kawm qib siab, xws li cov npe dej num thiab lus hais ntiag tug.
- Pib tshawb nrhiav peev kawm ntawv thiab kev tsim nyog tau txais raws peev xwm. Tham nrog tus pab tswv yim hauv tsev kawm.

Qib 12 – Tub ntxhais kawm xyoo kawg:

- Qhia tseeb cov hnuv tag sij hawm ntawm kev tso npe nkag tsev kawm qib siab ua ntej yuav pib koj xyoo kawg. Xav txog kev tso npe nkag ntxov mus rau qhov kev xaiv uas zoo tshaj plaws yog hais tias lawv muaj txoj kev xaiv ntawm kev txiav txim siab thaum ntxov.
- Xeem Cov Kev Xeem Ntawv ntsig txog Paus Ntsis ntawm ACT, SAT thiab Kev Xeem Ntawv Hom Kawm SAT, yog tias xav tau, ib zaug thaum kawg thaum lub Kaum Ob Hlis Ntuj.
- Qhia tseeb txhua yam uas xav tau ntawm kev tso npe thov nkag tsev kawm qib siab yog nyob hauv cov ntaub ntawv tso npe thov ua ntej yuav xa mus rau lub tsev kawm qib siab. Qee cov tsev kawm qib siab lossis phiaj xwm tsev kawm qib siab xav tau zaj lus sau ntawm tub ntxhais kawm lossis cov ntawv hais qhia ntawm xib fwb. Tshawb xyuas nrog lub tsev kawm qib siab thiab lub chaw ua haujlwm ntawm phiaj xwm kom pom tau hais tias seb puas xav tau cov zaj lus sau ntawm tub ntxhais kawm thiab/lossis cov ntawv hais qhia ntawd.
- Xa cov ntawv tso npe thov nkag ob peb hnuv ua ntej yuav txog hnuv tag sij hawm tsam ho muaj teeb meem li cas.
- Qhia tseeb hais tias puas yuav tsum tau xa cov foos thov kev pab fab nyiaj txiag thiab qhia tseeb cov hnuv tag sij hawm.
- Xa cov foos thov kev pab fab nyiaj txiag kom sai npaum li sai tau thiab yam tsawg ob peb hnuv ua ntej yuav txog hnuv tag sij hawm.
- Soj ntsuam hauv e-mail txog ntawm kev txais nkag tsev kawm theem siab thiab cov ntawv pab fab nyiaj txiag nyob rau lub caij nplooj ntoos hlav.

[Rov Qab mus rau Yam Taw Qhia](#)

COV KEV XAIV NTAWM TSEV KAWM QIB SIAB

Cov neeg nyob rau hauv California muaj txoj hmoo los mus muaj ntau hom koom haum uas pub cov ntawv kawm tiav koom tes thiab baccalaureate. Ntawm no yog qee cov xov xwm qub qab txog ntawm cov tsev kawm qib siab thiab qib kawg ntawm California los mus pib tus txheej txheem kev tshawb nrhiav tsev kawm qib siab.

California Community Colleges

www.cccco.edu kom paub xov xwm ntau ntxiv thiab www.cccapply.org txhawm rau tso npe thov nkag hom kab ke Tsev Kawm Qib Siab Zej Zos ntawm

California yog hom kab ke uas dav tshaj plaws ntawm kev kawm qib siab hauv qab ntuj uas pab cov tub ntxhais kawm nyob rau 112 cheeb tsam tsev kawm qib siab. Cov tub ntxhais kawm tuaj yeem xaiv los mus kawm kom tau txais daim ntawv kawm tiav koom tes (ob xyoos) nyob rau hauv ntau pua ntawm yam kawm fab kev kawm thiab kev kws, lossis ib qho kev cob qhia twg txog ntawm ib lossis ob lub xyoos lossis phiaj xwm kev

lees paub nyob rau ntau yam kawm fab kev haujlwm, xws li kev haujlwm fab kev noj qab haus huv thiab txuj ci siab. Tej zaum cov tub ntxhais kawm kuj tseem yuav ua tiav haujlwm hom kawm txhawm kom ua rau lawv muaj peev xwm hloov xa mus rau tsev kawm qib siab lossis tsev kawm qib kawg txhawm rau ua tiav daim ntawv kawm tiav baccalaureate.

The California State University

calstate.edu/ kom paub xov xwm ntau ntxiv thiab www.csumentor.edu txhawm rau tso npe thov nkag hauv hom kab ke Tsev Kawm Qib Kawg hauv Xeev California (California State University) (hauv lus Askiv hu ua CSU) pub kev qhia ntawv rau cov tub ntxhais kawm nyob qib pas lis nyas tis (undergraduate) thiab pas lis nyas thaus (master) hauv kev kws tso kev dav, kev kawm txuj ci tshiab, yam kawm siv haujlwm, thiab kev haujlwm xam muaj kev qhia ntawv, kev tu mob, haujlwm zej tsoom, thiab haujlwm kev ua vaj tse, ua kev ua choj, ua tshuab ub no. Cov tub ntxhais kawm tuaj yeem xaiv 1 ntawm 23 lub cheeb tsam tsev kawm CSU. Txhua cheeb tsam tsev kawm zoo tsis xws leej twg vim nws qhov chaw, qhov loj me, cov phiaj xwm kev kawm thiab lwm cov xeeb ceem tshwj xeeb.

The University of California

universityofcalifornia.edu/ kom paub xov xwm ntxiv thiab admission.universityofcalifornia.edu/ txhawm rau tso npe thov nkag

Kaum lub cheeb tsam tsev kawm txhua yam ntawm Tsev Kawm Qib Kawg hauv California (University of California) (hauv lus Askiv hu ua UC) pub kev qhia ntawv rau qib pas lis nyas tis thiab pas lis nyas thaus hauv ntau yam kawm. Cov tub ntxhais kawm tuaj yeem kawm ib qho twg ntawm ntau pua lub phiaj xwm uas muab pub los ntawm UC. Thaum tag nrho cov cheeb tsam kev kawm muaj tib co kev xav tau ntawm kev txais nkag kawm pas lis nyas tis, cov ntawd sib txawv ntawm qhov loj me, kev tso npe nkag, thiab hauv cov phiaj xwm kev kawm uas muaj pub. Cov cheeb tsam UC puav leej muaj nyob rau hauv sab thiab hauv nroog tib si thoob plaws lub xeev uas muaj kev tso npe nkag suav txij 5,000 txog rau 35,000 leej tub ntxhais kawm.

Cov Koom Haum Kev Kawm Ywj Pheej

www.aiccu.edu/

Koom Haum ntawm Cov Tsev Kawm Siab thiab Tsev Kawm Qib Kawg hauv California Ywj Pheej (Association of Independent California Colleges and Universities (AICCU)) sawv cev rau 75 lub tsev kawm qib siab thiab tsev kawm qib kawg ntiag tug, tsis muaj kev tsam ntxiv hauv California. Cov tsev kawm qib siab thiab qib kawm no tso raws qhov loj me txij cov tsev kawm qib kawg uas muaj koob npe loj mus rau cov tsev kawm qib siab me thiab cov tsev kawm kev haujlwm tshwj xeeb. Cov tub ntxhais kawm tuaj yeem siv rau ntau qhov ntawm cov tsev kawm no uas yog siv Kev Tso Npe Thov Ib Txwm www.commonapp.org.

Kev Nkag Kawm hauv Tsev Kawm Qib Siab Uas Tsis Nyob hauv lub Xeev

nces.ed.gov/collegenavigator/

Tsis txhob ntshai kev nkag mus kawm nyob rau ib lub tsev kawm qib siab twg uas tsis nyob rau hauv lub xeev. Qhov tsis muaj tseeb yog qhov hais tias nws kim dhau uas tawm ntawm lub xeev mus kawm rau sab nraud, tab sis qhov tseeb yog tej zaum tus nqi tuaj yeem sib piv tau lossis tej zaum tseem yuav qis dua qhov uas kawm nyob rau hauv lub xeev. Saib mus rau hauv qhov Kev Sib Pauv Qib Pas Lis Nyas Tis Nyob Rau Tog Hnub Poob (Western Undergraduate Exchange (WUE)) ntawm <http://wiche.edu/wue> txhawm rau tshawb nrhiav cov nqi qhia ntawv txo nqis uas ntxim yuav muaj.

KEV XAIV LUB TSEV KAWM QIB SIAB UAS YOG

Nws **MUAJ** ntau tshaj ib lub tsev kawm uas phim rau koj tus tub ntxhais kawm. Tab sis yuav txiav txim siab li cas thiaj li paub hais tias lub twg yog lub uas phim tshaj plaws? Taw qhia tau cov tsev kawm uas ntxim yuav mus tau thiab cov kev xav tau ntawm kev txais nkag sai npaum li cas, haj yam zoo tshaj npaum li ntawd. Cov kauj ruam txuas ntxiv mus no yuav pab ncaj nraim rau koj tus me nyuam qhov txheej txheem kev xaiv tsev kawm qib siab:

Kauj Ruam 1: *Taw qhia lub hom phiaj haujlwm ua ntej yuav pib kawm qib siab*

Tej zaum tsuas lam tau lam mus kawm qib siab kuj yuav yog ib qho kev paub uas zoo heev tab sis qhov tseem yuav zoo tshaj thiab mas yog muaj ib lub phiaj kawg txog ntawm qhov nws yuav ua li cas thiaj li ntseeg tau hais tias tau txais txiaj ntsim zoo ntawm txoj haujlwm. Cov tub ntxhais kawm yuav tsum taw qhia lub hom phiaj haujlwm xub thawj thiab tsim cov kev xaiv tsev kawm qib siab uas pab txhawb kev nkag mus rau yam kawm ntawd. Lub tsev kawm California CareerZone ntawm www.cacareerzone.org yog qhov chaw uas zoo heev los mus tshawb nrhiav haujlwm.

Kauj Ruam 2: *Npaj*

Txhawm rau nkag kawm rau hauv Tsev Kawm Qib Kawg hauv Xeev California (California State University) los yog Tsev Kawm Qib Kawg ntawm California (University of California) tom qab kawm tag tsev kawm theem siab, cov tub ntxhais kawm yuav tau kawm kom tag cov hom kawm raws seem A–G. Cov hom kawm no tseem yuav npaj cov tub ntxhais kawm rau kev txais nkag rau feem ntau ntawm cov tsev kawm qib siab thiab cov tsev kawm qib kawg ywj pheej thiab. Cov tub ntxhais kawm yuav tau xeeb cov kev xeeb nkag tsev kawm qib siab (xws li ACT, SAT, lossis Test of English as a Foreign Language [TOFEL]).

Kauj Ruam 3: *Thov lus qhia ntawm lwm tus*

Cov neeg pab tswv yim kev coj qhia hauv tsev kawm theem siab tuaj yeem yog cov hauv paub paus xov xwm hais txog cov tsev kawm qib siab. Qhia koj tus tub ntxhais kawm kom tag txog ntawm cov txiaj ntsim ntawm nws qhov kev tshawb nrhiav fab kev ua haujlwm (tau ua tiav nyob rau CareerZone ntawm <http://www.cacareerzone.org/>) kom tau txais lus qhia txog cov tsev kawm qib siab uas zoo tshaj plaws rau nws. Txhawb kom koj tus tub ntxhais kawm nrhiav lus qhia los ntawm cov kws haujlwm hauv yam kawm kev haujlwm uas nws vam yuav nkag rau.

Kauj Ruam 4: *Kawm kom paub ntau ntxiv txog ntawm cov tsev kawm qib siab*

Xav paub xov xwm ntau ntxiv txog ntawm cov tsev kawm qib siab uas koj tus tub ntxhais kawm txaus siab rau, muaj caij nyooq zoo ntawm kev txiav txim siab tau zoo npaum li cas mas haj yam zoo npaum li ntawd. Pab sau xov xwm los ntawm kev mus saib Cov Tsev Kawm Qib Siab Tshawb Nrhiav (Explore Colleges) ntawm <https://secure.californiacolleges.edu>.

Kauj Ruam 5: *Tsim cov npe teev tseg xub thawj*

Tsim cov npe teev tseg xub thawj ntawm 8–10 lub tsev kawm qib siab ntawm kev txaus siab. Tau xov xwm los ntawm txhua lub ntawm cov tsev kawm no. Faib cov npe no mus ua peb pawg: txog thaum uas koj tus tub ntxhais kawm PAUB hais tias nws tuaj yeem nkag tau mus rau; txog thaum qhov ntawd yuav yog ib qho KEV RUB NTEV mus rau; thiab txog thaum uas koj tus tub ntxhais kawm ntseeg tsis tau hais tias nws tuaj yeem

nkag tau mus rau tab sis SAIB ZOO LI NTXIM TXAUS SIAB. Xav paub xov xwm ntau ntxiv nyob rau kev xaiv lub tsev kawm qib siab uas yog rau koj tus tub ntxhais kawm, mus rau:

Lub Tsev Kawm Qib Siab Uas Phim Rau Kuv yog lub twg?

<https://www.calcareercenter.org/Home/Content?contentID=196>

Cov Peev Txheej los mus Pab Koj Xaiv Tsev Kawm Qib Siab

<https://www.calcareercenter.org/Home/Content?contentID=197>

Kauj Ruam 6: *Mus saib cov tsev kawm qib siab*

Tej zaum txoj hau kev uas zoo tshaj plaws los mus kawm paub ntau ntxiv txog ib lub tsev kawm qib siab twg yog mus saib lub cheeb tsam tsev kawm qib siab. Yog hais tias ua tau, npaj mus saib lub tsev kawm nyob rau lub xyoo kawm thaum uas tseem niaj hnuv kawm ntawv. Cov tsev kawm qib siab feem ntau teem caij kev ncig xyuas cheeb tsam tsev kawm thiab muaj chaw so pub ib hmos nyob rau hauv cov tsev nyob ntawm cheeb tsam tsev kawm yog hais tias npaj ua ntej.

Kauj Ruam 7: *Xaus koj cov npe tsev kawm thiab xa ntawv thov nkag*

Txog thaum koj tus tub ntxhais kawm tau cov xov xwm tag, tau mus saib cov cheeb tsam tsev kawm, thiab tau tham nrog lwm leej lwm tus, txo cov npe tsev kawm nqis mus rau 1–3 lub tsev kawm qib siab nyob rau ib pawg twg. Cov tsev kawm qib siab uas yuav tso npe thov xam qhov nruab nrab yog 5–6 lub. Yog hais tias tso npe thov nkag rau cov tsev kawm qib siab uas tsis nyob rau hauv koj lub xeev, ces nce cov kev xa ntawv tso npe thov mus rau 8–11. Pib sau ntawv teev sij hawm txog ntawm cov hnuv tag sij hawm kev tso npe thov. Paub hais tias cov tsev kawm uas muaj *Kev Txiaiv Txim Siab Ntxov* thiab *Kev Txais Nkag Ntxov*. Tswj kom muaj kev xa ib tsab ntawv thov rau ib lub tsev kawm qib siab twg txhawm kom tej ntau ntawv ncaj nraim mus rau.

Kauj Ruam 8: *Txiaiv txim siab*

Tom qab uas tau txais cov ntawv txais yuav, kauj ruam tom qab kawg nkaus yog txiaiv txim qhov kev txiaiv txim siab “loj”—kev pab koj tus tub ntxhais kawm hauv kev xaiv lub tsev kawm qib siab uas yuav mus kawm! Hnuv tag sij hawm “thoob plaws” ntawm kev ceeb toom rau cov tsev kawm qib siab yog hnuv tim 1 lub Tsev Hlis Ntuj tab sis koj yuav tau txiaiv txim siab kom sai dua ntawd yog hais tias koj tau xaiv cov kev xaiv ntawm qhov *Kev Txiaiv Txim Siab Ntxov* lossis *Kev Nqis Tes Ntxov*. Tom qab kev lees txais ib qho uas muab pub twg, soj qab xyuas kev tso npe nkag thiab vaj tse. Tsis txhob plam cov hnuv tag sij hawm!

[Rov Qab mus rau Yam Taw Qhia](#)

COV HOM KAWM UAS YUAV TSUM MUAJ RAU KEV TXAIS NKAG TSEV KAWM QIB SIAB

Cov Hom Kawm A–G Uas Cov Hom Kab Ke Tsev Kawm Qib Kawg ntawm Tsoom Fwv hauv California Xav Tau

Xav kom raug txais nkag rau hauv ib lub cheeb tsam tsev kawm CSU lossis UC twg, cov tub ntxhais kawm yuav tsum tau ua kom tiav cov kev xav tau ntawm kev kawm tiav tsev kawm them siab uas qis tshaj plaws hauv California thiab cov kev xav tau ntawm hom kawm A–G

nyob rau lub sij hawm uas kawm nyob rau tsev kawm theem siab. Cov tub ntxhais kawm cov tub ntxhais kawm kuj tseem yuav tsum ua kom tau raws cov kev xav tau ntawm kev kawm tiav hauv cheeb tsam ze thiab ua tau qhab nia txog “C” lossis zoo dua nyob rau txhua hom kawm.

Cov hom kawm A-G qis kawg kiag uas xav tau yog:

- (a) Kev Kawm Txuj Ci Fab Keeb Kwm/Tsoom Neeg—ob xyoos* (Keeb Kwm Meskas Teb, Keeb Kwm Thoob Ntiaj Teb)
- (b) Hom Kawm txog Yam Lus (Askiv)—plaub xyoos
- (c) Zauv—peb xyoos (Algebra 1, Geometry, Algebra 2 nyob rau qhov qis kawg kiag)
- (d) Kev Kawm Txuj Ci (Chav Tov Tshuaj thiab Ntsuam Xyuas Ub No)—xav tau ob xyoos, xav qhia kom kawm txog peb xyoos: Biology, Chemistry, thiab Physics
- (e) Yam Lus Txawv Teb Chaws—xav tau ob xyoos (xav hais qhia nyob rau tib yam lus hais)
- (f) Hom Kawm txog Zeem Muag thiab Kev Ua Yeeb Yam—ib xyoos
- (g) Kev Npaj Rau Tsev Kawm Qib Siab—xaiv tau

*Kev kawm tiav yam qis kawg kiag uas xav tau hauv xeev California yog peb xyoos.

Koj tuaj yeem rov xyuas dua koj cov npe hom kawm A-G uas tau txais kev pom zoo hauv tsev kawm theem siab nyob rau UC Doorways ntawm www.ucop.edu/doorways/.

Tag nrho ob hom kab ke CSU thiab UC tib si puav leej muab tau ntau yam ntxiv txog ntawm cov kev xav tau ntawm kev txais nkag thiab hom kawm hauv tsev kawm theem siab. Cov peev txheej no yog nyob rau hauv lub Web ntawm:

CSU: www.csumentor.edu/Planning/high_school/subjects.asp

UC: www.ucop.edu/agguide/

Nco ntsoov qhia tseeb cov kev xav tau ntawm lub tsev kawm uas koj tus tub ntxhais kawm tab tom xav txog los ntawm kev mus rau hauv lub Web site ntawm lub tsev kawm qib siab ntawd. Thiab nco ntsoov, qhov kev xav tau ntawm kev txais nkag rau tsev kawm qib siab uas qis kawg kiag yog daim ntawv kawm tiav tsev kawm theem siab yog li ntawd ua kom ntseeg tau hais tias koj tus tub ntxhais kawm nkag siab txog yam uas lub pawg tsev kawm hauv cheeb tsam ze xav tau txhawm rau ua kom tau txais daim ntawv kawm tiav. Qhia kom koj tus tub ntxhais kawm nco txog hais tias kev xam qhov nruab nrab ntawm cov qhab nia (hauv lus Askiv hu ua GPA) tuaj yeem yog tau ib qho tseem ceeb thaum uas tso npe thov nkag tsev kawm qib siab lossis tsev kawm qib kawg thiab hais tias lawv yuav tsum ua twb zoo ua kom kawm tiav nrog tus GPA uas siab npaum li siab tau kom thiaj muaj kev xaiv nyob rau yuav luag txhua lub tsev kawm qib siab.

[Rov Qab mus rau Yam Taw Qhia](#)

COV KEV XEEM NKAG TSEV KAWM QIB SIAB

Cov tub ntxhais kawm uas tso npe thov yuav tau paub txog ntawm ntau yam kev xeem ntawv sib txawv uas raug muab siv thiab/lossis xav tau ntawm cov tsev kawm qib siab uas lawv tab tom xav txog. Nws yog ib lub tswv yim zoo rau cov tub ntxhais kawm uas pib kev npaj rau cov kev xeem ntawv no thaum ntxov hauv lawv txoj haujlwm tsev kawm theem siab.

Tshawb xyuas nrog lub tsev kawm theem siab txog ntawm cov hnuv xeem ntawv, xov xwm kev tso npe nkag, thiab lwm yam.

Kev Xeem Ntawv Npaj Cia

PSAT/National Merit Scholarship Qualifying Test (NMSQT) www.collegeboard.org
Qhov kev xeem ntawv no raug muab nyob rau txhua xyoo thaum lub Kaum Hli Ntuj thiab yog muab rau cov tub ntxhais kawm xyoo peb; li cas los xij tej zaum cov tub ntxhais kawm xyoo ib thiab cov tub ntxhais kawm xyoo ob kuj yuav xeem thiab. Cov txiaj ntsim kev xeem ntawv ntawm cov tub ntxhais kawm xyoo peb thiaj li yog cov txiaj ntsim uas muab koj los xav rau NMSQT. (Lub Phiaj Xwm Peev Kawm Ntawv Raws Peev Xwm[®] hauv Teb Chaws (National Merit[®] Scholarship Program) yog ib qhov kev sib tw fab kev kawm ntawm kev paub txog thiab peev kawm ntawv.)

Cov Kev Xeem Ntawv Tso Npe Thov Nkag Tsev Kawm Qib Siab

SAT Reasoning

www.collegeboard.org

Qhov kev xeem ntawv raws Paus Ntsis SAT yog ib qho kev xeem ntawv uas muaj ntau qhov xaiv teb uas muaj tshooj kev nyeem ntawv, zauv, thiab kev sau ntawv.

SAT Subject Tests

www.collegeboard.org

Cov kev xeem ntawv Yam Kawm SAT yog cov kev xeem ntawv ib xuab moos uas muab tawm qauv los mus ntsuas koj qib kev ua tiav hauv ib yam kawm twg. Cov kev xeem ntawv raug muab pub nyob rau hauv hom kawm txog Ntawv Sau Tseg; Keeb Kwm Teb Chaws Meskas; Keeb Kwm Thoob Ntiaj Teb; Zauv Theem I; Zauv Theem II; Yam Lus Txawv Teb Chaws; thiab Kev Kawm Txuj Ci. Tsis yog txhua cov kev xeem ntawv yuav muab nyob rau tib lub sij hawm. Cov kev xeem ntawv ntawm yam kawm SAT tsis yog yam uas xav tau txhua qhov chaw mus ntxiv lawm tab sis tseem yog yam uas xav tau nyob rau qee cov phiaj xwm. Tshawb xyuas cov kev xav tau ntawm kev tso npe thov nkag ntawm koj cov tsev kawm qib siab hauv hom phiaj. Tshawb xyuas lub Web site ntawm Tsoom Saib Xyuas Tsev Kawm Qib Siab ntawm cov xov xwm kev tso npe nkag, cov hnuv xeem ntawv, thiab cov chaw xeem ntawv. Tso npe nkag thaum ntxov!

ACT

www.actstudent.org

Qhov kev xeem ntawv ACT muaj plaub qhov kev xeem ntawv ntawm kev nthuav dav fab kev kawm txhua yam thiab ib tshooj kev sau ntawv uas xaiv tau uas muaj cov lus nug uas muaj ntau qhov xaiv thiab cov kev sau ntawv ntawm chaw. Plaub tshooj kev xeem ntawv txhua yam yog: Ntawv Askiv, Kev Nyeem Ntawv, Zauv, thiab Kev Muab Paus Ntsis ntawm Kev Kawm Txij Ci. Cov kev xeem ntawv fab kev kawm duav txog cov yam kawm ntawm kev siv ntawv Askiv, Zauv, Kev Kawm txog Zej Tsoom, thiab Kev Kawm Txuj Ci Ntsig Txog Kev Xeeb Txawm. Tshawb xyuas cov kev xav tau ntawm kev tso npe thov nkag tsev kawm qib siab seb puas tsim nyog muaj tshooj kev sau ntawv. Ntxiv ntawm cov kev xeem ntawv, lub Web site ntawm ACT kuj tseem muab qhov Khoom Kev Txaus Siab uas zoo tshwj xeeb thiab Tshooj Keeb Kwm Tub Ntxhais Kawm. Tshawb xyuas lub Web site ntawm ACT kom paub txog cov hnuv xeem ntawv, xov xwm kev tso npe nkag, thiab cov nqi pab cuam.

Lus Askiv tam li yog Yam Lus Thib Ob

Yog hais tias koj tus tub ntxhais kawm tau kawm nyob rau hauv teb chaws Meskas tsawg dua ob xyoos thiab nws yam lus xeeb txawm thiab yam lus siv tom tsev kawm ntawv ua ntej tuaj kawm ntawv nyob rau teb chaws Meskas tsis yog lus Askiv, ces nws yuav tsum ua kom pom tau txog ntawm kev txawj lus Askiv txaus. Xav paub xov xwm ntau ntxiv, hais koj tus tub ntxhais

kawm tham nrog tus pab tswv yim hauv tsev kawm.

Cov Tub Ntxhais Kawm uas Tsis Muaj Peev Xwm Kawm Tau Ntawv

Cov tub ntxhais kawm uas kawm tau ntawv tej zaum kuj yuav thov tau cov kev pab ua kom yooj yim ntawm kev xeem ntawv. Koj tus tub ntxhais kawm yuav tsum nug nws tus neeg pab tswv yim kom paub xov xwm ntau ntiv txog ntawm qhov no. Nws tseem ceeb heev uas pib tus txheej txheem no kom ntov txhawm rau ua kom tau raws cov kev xav tau txog ntawm cov ntaub ntawv los ntawm kev sau cov hnuv tag sij hawm cia.

Cov Kev Tag Cai ntawm Nqi Pab Cuam

Koj tus tub ntxhais kawm yuav tau them tus nqi xeem nkag tsev kawm qib siab; li cas los xij, cov nqi no tuaj yeem raug tag cai. Xa koj tus tub ntxhais kawm ncaj nraim mus koj tau txais xov xwm tag cai sau nqi pab cuam los ntawm nws tus neeg pab tswv yim hauv tsev kawm.

Qhia koj cov tub ntxhais kawm ntawv xyoo kawg kom nco ntsoov

Cov tsev kawm qib siab thiab tsev kawm qib kawg xav kom kev xeem ntawv raws qauv tiav thaum lub Kaum Ob Hlis Ntuj kom ntseeg tau hais tias koj tus tub ntxhais kawm xyoo kawg qhia tseeb txog cov hnuv xeem ntawv thiab cov hnuv tag sij hawm ntawm kev tso npe nkag.

[Rov Qab mus rau Yam Taw Qhia](#)

COV ZOG NTAWM KEV PAB FAB NYIAJ TXIAG

Cov tsev kawm qib siab xam hais tias tsev neeg thiab tus tub ntxhais kawm yuav them rau tsev kawm qib siab. Li cas los xij, ntau leej tub ntxhais kawm xav tau kev pab los mus them rau cov nqi kawm qib siab. Kev pab fab nyiaj txiag uas muab rau ib tug tub ntxhais kawm twg them rau tsev kawm qib siab yog muab hu ua “kev pab fab nyiaj txiag.” Txhawm kom tsim nyog rau kev pab fab nyiaj txiag ntawm tsoom fww teb chaws uas yuav luag txhua lub tsev kawm siv, koj thiab koj tus tub ntxhais kawm yuav tsum ua tiav qhov Kev Tso Npe Thov Pub Dawb rau Kev Pab Fab Nyiaj Txiag ntawm Tsoom Fww Teb Chaws (Free Application for Federal Student Aid) (hauv lus Askiv hu ua FAFSA). Muaj ntau lub tsev kawm qib siab kuj tseem xav tau kev xa KEEB KWM TUS KHEEJ ntawm Kev Pab Cuam Peev Kawm Ntawv Qib Siab (hauv lus Askiv hu ua CSS). Thiab tsis tas li ntawd, kev pab tsi ntsees hauv California muaj los ntawm Koom Haum Kev Pab Tub Ntxhais Kawm hauv California.

Xav tau xov xwm thiab kev pab, koj tus tub ntxhais kawm yuav tsum tshawb xyuas nrog tus neeg pab tswv yim hauv tsev kawm them siab lossis lub chaw ua haujlwm kev pab fab nyiaj txiag hauv tsev kawm qib siab ntiv rau cov peev txheej online txuas ntiv mus no:

Kev Tso Npe Thov Kev Pab Tub Ntxhais Kawm ntawm Tsoom Fww Teb Chaws

www.fafsa.ed.gov

1-800-4-FED-AID (1-800-433-3243)

TTY 1-800-730-8913

Koom Haum Kev Pab Tub Ntxhais Kawm hauv California

www.csac.ca.gov

888-294-0148 lossis 916-526-8989

TTY (916) 526-8988

Pell Grants thiab lwm cov phiaj xwm ntawm tsoom fwm teb chaws

Chaw Muab Xov Xwm Kev Pab Tub Ntxhais Kawm ntawm Tsoom Fwm Teb Chaws

studentaid.ed.gov/

1-800-4-FED-AID (1-800-433-3243)

TDD 1-800-730-8313

KEEB KWM TUS KHEEJ ntawm Kev Pab Cuam Peev Kawm Ntawv hauv Tsev Kawm

Qib Siab (CSS)

<http://student.collegeboard.org/css-financial-aid-profile>

Qhia tseeb yog hais tias cov tsev kawm uas koj tab tom tso npe thov nkag xav tau KEEB KWM TUS KHEEJ ntawm CSS.

Cov vev xaib uas pab tau ntxiv nyob rau saum lub vev xaib (lub vev xaib yog sau ua lus Askiv)

Pab kev ua tiav FAFSA <http://studentaid.ed.gov/resources#fafsa>

Phab qhia xov xwm Kev Pab Fab Nyiaj Txiag www.finaid.org

Web Nrawm www.fastweb.com

Kev Qhia Chaw rau Koj Lub Neej Yav Pem Suab <http://mappingyourfuture.org/>

Saib kev sab laj txog kev pab fab nyiaj txiag uas lub tsev kawm lossis lub tsev qiv ntawv hauv cheeb tsam muab pub.

NCO CIA: Cov phiaj xwm kev pab fab nyiaj txiag raws cai tsis sau cov nqi ntawm kev tso npe thov lossis cov ntaub ntawv.

[Rov Qab mus rau Yam Taw Qhia](#)

KEV TSO NPE NKAG TSEV KAWM QIB SIAB

Txuas ntxiv mus no yog cov npe ntawm cov kev xav tau ntawm kev tso npe thov nkag tsev kawm qib siab ib txwm. Tshawb xyuas cov Web site ntawm lub chaw ua haujlwm kev txais nkag tsev kawm qib siab kom paub cov kev xav tau tsi ntsees. Koj tuaj yeem nrhiav College Application Tracking Chart **[Duab Piav Qhia txog Kev Tso Npe Thov Nkag Tsev Kawm Qib Siab]** hauv qhov Chaw Kev Haujlwm hauv California (California Career Center) ntawm <https://www.calcareercenter.org/Home/Content?contentID=406>.

Cov Foos Tso Npe Thov

Cov foos no tej zaum kuj yuav nyob hauv online lossis saum daim ntawv nce raws lub(cov) tsev kawm uas koj tso npe thov nkag. Koj tuaj yeem tso npe thov rau ib lub twg lossis ntau lub Tsev Kawm Qib Siab Zej Zos hauv California, UC, thiab cov cheeb tsam tsev kawm CSU los ntawm kev siv txhua hom kab ke qhov kev tso npe thov online. Koj tuaj yeem tso npe thov rau tshaj 400 lub tsev kawm qib siab ntiag tug uas siv Kev Tso Npe Thov Raws Ib Txwm. Tshawb xyuas

cov Web site ntawm txhua lub tsev kawm qib siab ntawm cov kev xaiv kev tso npe thov thiab qhov nyiam tshaj. Cov txuas mus rau Kev Tso Npe Thov Tsev Kawm Qib Siab:

- California Community Colleges www.cccapply.org
- California State University www.csumentor.edu/AdmissionApp/
- University of California admission.universityofcalifornia.edu/
- Cov Tsev Kawm Qib Siab Ntiag Tug www.commonapp.org

Cov Nqi Tso Npe Thov

Cov nqi kev tso npe thov nkag tsev kawm qib siab hloov mus raws sij hawm yog li ntawd ua kom ntseeg tau hais tias koj paub txog tus nqi ntawm cov tsev kawm uas ua rau koj tus tub ntxhais kawm txaus siab rau. Tshawb xyuas kom pom seb puas muaj ib qho twg ntawm cov tsev kawm qib siab muaj kev tag cai yuav nqi pab cuam thiab seb koj tus tub ntxhais kawm puas tsim nyog rau qhov kev tag cai ntawd.

Daim Ntawv Tuav Qhab Nia Tsev Kawm Theem Siab

Daim ntawv tuav qhab nia yog daim ntawv tuav tseg ntawm cov chav kawm uas tau kawm thiab cov qhab nia uas ua tau. Koj tus tub ntxhais kawm yuav tau nug lub tsev kawm theem siab kom xa nws daim ntawv tuav qhab nia, nrog lub keeb kwm tsev kawm, ncaj nraim mus rau cov tsev kawm qib siab uas nws tab tom tso npe thov nkag. Hais kom koj tus tub ntxhais kawm muab daim ntawv thov ntawv tuav qhab nia mus rau tus neeg ntawm lub tsev kawm uas lis nws thiab xam cov xov xwm ntawm cov tsev kawm qib siab uas nws tab tom tso npe nkag. Thaum kawg ntawm xyoo kawg tom qab cov qib kawm xyoo kawg, koj tus tub ntxhais kawm yuav tau thov lub tsev kawm theem siab kom xa daim tom qab kawg nkaus, daim ntawv tuav qhab nia raws cai mus rau lub tsev kawm qib siab uas koj tus tub ntxhais kawm tau txiav txim siab nkag kawm.

Cov Qhab Nia Kev Xeem Nkag

Qee cov tsev kawm qib siab xav tau lossis cov qhab nia uas hais qhia los ntawm cov kev xeem ntawv xws li SAT lossis ACT. Tshawb xyuas cov Web site tsev kawm qib siab los mus saib seb puas xav tau ib qhov kev xeem ntawv twg thiab xav txog qhov xeem tag nrho ob qho tib si. Mus saib cov Web site ntawm cov koom haum kev xeem ntawv ntawm cov hnuv tag sij hawm thiab cov nqi kev tso npe nkag. Tshawb xyuas seb koj puas tsim nyog rau kev tag cai sau nqi pab cuam. Cov tub ntxhais kawm yuav tsum nug Tsoom Saib Xyuas Tsev Kawm Qib Siab thiab/lossis ACT txhawm rau xa cov qhab nia ncaj nraim mus rau cov tsev kawm qib siab uas npaj siab cia.

Cov Ntawv Qhia Qhov Zoo

Cov tsev kawm qib siab tej zaum kuj yuav xav tau cov ntawv qhia qhov zoo los ntawm cov xib fwb lossis lwm cov neeg loj uas paub koj tus tub ntxhais kawm. Cov ntawv pov thawj no yuav tsum raug thov zoo ua ntej ntawm cov hnuv tag sij hawm txhawm rau tso cai rau tus neeg uas sau daim ntawv qhia qhov zoo muaj sij hawm txaus los mus sau daim ntawv. Cov neeg sau tej zaum kuj yuav xav kom koj tus tub ntxhais kawm muab cov lus uas sau luv luv txog ntawm cov kev ua tiav rau lawv los mus pab kom sau tau daim ntawv. Hais qhia rau koj tus tub ntxhais kawm los mus nug tus neeg pab tswv yim hauv tsev kawm txog ntawm cov txheej txheem ntawm kev thov cov ntawv los ntawm cov xib fwb ntawm lub tsev kawm.

Zaj Lus Sau ntawm Tus Kheej

Cov zaj lus sau ntiag tug yog ib lub caij nyooog zoo ntawm koj tus tub ntxhais kawm los mus muab ib lub tswv yim zoo dua txog ntawm lawv tus cwj pwm thiab qhov tawv rau cov tub koj

xwm txais neeg nkag. Qhia koj tus tub ntxhais kawm los mus ua twb zoo nyeem lawv cov zaj lus sau kom zoo ua ntej yuav xa mus rau lub tsev kawm qib siab. Cov tub ntxhais kawm yuav tsum ncaj ncees thiab hais qhov tseeb nyob rau hauv lawv cov zaj lus sau ntawm tus kheej.

Kev Ntsuam Xyuas Peev Xwm thiab Cov Chaw Cia Ntaub Ntawv

Cov phiaj xwm suab paj nruag, kev kws, lossis kev ua yeeb yam tej zaum kuj yuav xav pom cov piv txwv ntawm haujlwm tub ntxhais kawm. Qhov no txhais tau hais tias nws kuj yuav muaj ib qho kev ntsuam xyuas peev xwm lossis kev xav tau los mus xa ib qho chaw cia ntawv lossis video uas qhia txog peev xwm kev ua yeeb yam tam li ib feem ntawm kev tso npe thov. Qhia koj tus tub ntxhais kawm nug tus xib fwb suab paj nruag, kev kws, lossis kev ua yeeb yam kom tau lus qhia.

Kev Ntxig Nug

Txawm hais tias tsis tas muaj ib qho kev ntxig nug ntawm kev txais nkag twg, nws yog ib lub tswv yim zoo rau koj tus tub ntxhais kawm los mus thov ib qho. Nws qhia lub hom phiaj tiag tiag thiab muab lub caij nyoog zoo los mus txuas rau hauv lub chaw ua haujlwm txais nkag.

[Rov Qab mus rau Yam Taw Qhia](#)

KEV NKAG KOOM RAU COV KIS LAS NYOB RAU TSEV KAWM QIB SIAB

Yog hais tias koj tus tub ntxhais kawm yog neeg kis las thiab xav nkag koom rau hauv cov kis las nyob rau qib siab, tej zaum koj kuj yuav xav muab cov lus qhia txuas ntxiv no mus rau lawv:

- Teeb tsa cov kev xav tau ua ntej uas tsim cov kev xaiv fab kev kawm ua ntej.
- Tso npe thov nkag rau cov tsev kawm qib siab nyob rau ntau ces haujlwm, xam muaj I, II, III thiab National Association of Intercollegiate Athletics (NAIA).
- Tiv tauj rau cov tsev kawm qib siab kom ntxov thiab txuas lus kev txaus siab hauv kev ua haujlwm raws pab pawg.
- Nco ntsoov tso npe nkag rau hauv National Collegiate Athletic Association (NCAA) Eligibility Clearinghouse.
- Hais kom lub tsev kawm xa cov ntawv tuav qhab nia raws cai mus rau NCAA Clearinghouse.

Cov Qauv Kev Tsim Nyog Tau

National Collegiate Athletic Association

www.eligibilitycenter.org

National Association of Intercollegiate Athletics (NAIA)

www.playnaia.org/

Cov Tsev Kawm Qib Siab Zej Zos hauv California

Cov tub ntxhais kawm uas xav nkag koom rau hauv cov kis las ntawm lub Tsev Kawm Qib Siab Zej Zos hauv California yuav tau xyuas nrog lub tsev kawm ntawd lub rooj tsav xwm saib xyuas haujlwm kis las.

Nco ntsoov kom koj tus tub ntxhais kawm xyuas nrog tus thawj tswj fab haujlwm kis las ntawm tsev kawm theem siab txhawm rau qhia tseeb hais tias cov cai kev tsim nyog tau twg thiaj muab siv rau!

KOJ TUS ME NYUAM TUAJ YEEM MUS KAWM QIB SIAB TAU!

Pib tam sim no!

Tsim los ntawm Koom Haum Kev Koom Tes Fab Zog Haujlwm hauv California ntawm Rooj Tsav Xwm Saib Xyuas Kev Kawm hauv California nyob rau saum lub Web ntawm www.californiacareers.info.

Muaj lus ua tsaug tshwj xeeb rau lub Chaw Ua Haujlwm Kev Kawm hauv Cheeb Nroog Tulare ntawm kev tsim Lus Coj Qhia ntawm Kev Npaj Rau Tsev Kawm Qib Siab xub thawj ntawm Cov Niam Txiv thiab Cov Tub Ntxhais Kawm.

Lus qhia rau cov tsev kawm: Cov lus qhia no tuaj yeem yog khoom ntiag tug rau koj lub tsev kawm lossis pawg tsev kawm—ntxiv cov duab piav qhia, kho cov ntsiab lus, siv cov phab ntawv uas xaiv—ib yam twg uas yuav ua rau nws yog ib lub zog tseem ceeb rau koj niam koj txiv thiab koj cov neeg saib xyuas.

Kev tshawb nrhiav ntxiv thiab kev pab txhawb ntawm kev npaj cia, mus saib lub Chaw Kawm Fab Kev Ua Haujlwm hauv California ntawm www.calcareercenter.org thiab Thaj Tsam Kev Ua Haujlwm hauv California ntawm www.cacareerzone.org.